



Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 16. Papa discedit Roma.

[urn:nbn:de:hbz:466:1-66293](#)

hominiibus egregiis aptus. Talem Papa Sæcul. XIV.
diu nigros inter Monachos quærebat fru- A.C. 1370.
stra. Tandem apud Camaldulenses in-
venit Virum piissimum, in sacris preci-
bus, ac libris assiduum, optimis præditum
moribus, prudentem in rebus gerendis,
abstinentiæ carnium, ac totius Regulæ
studiosissimum: vocabatur Andreas Fa-
ventinus. Accersitum hoc anno 1370 *Vita p. 1039*
Papa reluctantem constituit Abbatem
Montis Cassini. Eodem anno 7 Maji Re- *Rayn. n. 14.*
ginæ Neapolis Joannæ scripsit, huic ut
monasterio redderet jurisdictionem pro-
fanam, authoritatem in clientes fidu-
ciarios, cæteraque jura diminuta per
Carolum Andegavensem, ac reliquos Re-
ges antecessores suos. Timebat Pa-
pa, ne alioqui disciplina inibi parum diu
floreret.

§. XVI.

Papa discedit Roma.

Die lunæ 15 Apr. 1370 Papa in tem-
plum Lateranense portari voluit duas
statuas pectore tenus effectas pro capi- *Sup. §. 6.*
tibus SS. Petri, & Pauli, quæ ibi tres *Vit. to. I.*
Cardinales solenniter illis inclusa impo- *p. 390.*
suere grandi tabernaculo suffulto quatuor *to. 2. p. 773.*
columnis marmoreis, atque, ut Papa jus-
serat, supra principem aram confecto.
Sequente die Mercurii Papa Romam ul-

Q 4 timo

Sæcul.XIV.
A.C. 1370.

p. 391.

timo vidit, Viterbium, & inde Montem Flasconis profectus. Tum declaravit suum propositum redeundi Avenionem, pacis inter Franciam & Angliam conciliandæ gratia : utque tota curia sua parare se ad iter posset, edixit justitium a Calendis Junii usque ad initium Octobris.

Die Veneris post Pentecosten septimo Junii Papa Monte Flasconis creavit duos Cardinales. Prior erat Petrus Estainius in Rhutenensi dioecesi nobilissimo natus genere, S. Benedicti regulam professus, ac ex Episcopo Florofanensi Bituricensis Archiepiscopus factus : sed accepta purpura sedem illam reliquit secundum disciplinam hactenus observatam. Papa eum nominavit Cardinalem de S. Maria trans Tiberim, & in Italia suum esse Legatum voluit. Alter fuit Petrus Corsinus Florentinus, Thomæ Doctoris, & sacri palatii Auditoris filius, de sede Volaterrana, quam tenuerat, Florentiam translatus anno 1361, modo Cardinalis de S. Laurentio in Damaso : ac Florentiae mox illi successit Angelus Ricasoli.

Rayn. s. 19.

Paulo post Papa Romanis scripsit, ut eos de absentia sua consolaretur, & averteret maculam, quam ea ipsorum nomini aspergere posset. Declarabat igitur se non abiisse ob molestiam aliquam ex iis captam : e contrario se suamque curiam optime

p. 1039.

p. 1040.
Ughell. to. 3.

p. 198.

optime ab eis habitos esse per triennium Sæcul. XIV.
Romæ, ac in vicinia transactum. Cogi-
mur, addebat, trans montes nos recipe-
re ob negotia non tantum Ecclesiæ uni-
versali utilia, sed & moram nullam fe-
rentia: vosque semper in animo præsen-
tes nostro tenebimus, quamdiu nobis fi-
deles eritis. Dabat 26 Junii.

§. XVII.

S. Birgitta Sueca.

Mense Julio S. Birgitta Sueca Montem Flasconis venit, ut adiret Papam. Sub annum 1302 ex una de nobilissi- Bullar. Bæ-
mis Sueciæ familiis orta, cum tredecim nif. IX.
annos habens Vulfoni juveni Principi nu- const. 5.
psisset, octo ei liberos peperit: commu-
ni dein consensu continentiam coluere. Hoc in statu Compostellanum S. Jacobi templum simul petiere pietatis causa: & reversi religiosam amplecti vitam statue-
runt ambo. Vulfo, priusquam id face-
ret, decessit. Birgitta vero vidua dupli-
cabat afflictiones corporis, suamque in
pauperes largitatem: & paulo post, nem-
pe sub annum 1344 Vadstenæ in Linco-
piana dicecesi monasterium condidit pro
sexaginta Virginibus, ac viginti quinque
Fratribus Ordinis Augustiniani, quibus
tradidit quasdam constitutiones: coeno-
bio autem nomen a SS. Salvatore indidit.

Q 5

Talis